

ducito, quas diviſas in partes 24. notis arithmetiſis inſignito. Paullulùm remotiùs, circiter duos pollices, à centro *paxillum* facito, ut in litterâ P notatum vides, qui Baculo, ſupernè litterâ L. ad latus verò litterâ K ſignato inferatur, cumq; cochleâ ſiſtatur.

Præterea *binas Regulas* facito, ſingulas binos pedes longas, ita invicem junctas, ut pedes circini jungi ſolent, cum *cochleâ* illas trãſeunte, quemadmodum in figurâ litterâ M ſignificatum vides, adeò ut per ſemicirculum etiam tranſeat prope centrum A. unâ cum *matriculâ*, notatâ litterâ N. firmandi ſemicirculi & Regularum ergò. Cochleæ deinde ſuperimponito *apicem*, ex chalybe factum, craſtitiem acûs, & longitudinem palmi referentem: eſtoq; hæc Dioptra in centro A. A tergo utriuſq; Regulæ facito duas *cochleas minores*, ne Regulæ hinc inde moveri queant, veluti ex Regulâ F apparet. Hinc binis Regulis applicato binas *Dioptras* cum binis itidem chalybeis apicibus, adeò ut illæ volvi hinc inde facile poſſint. Fabricam earum integram ſeparatim poſitam litteræ G & H in Figurâ indicant. Facito porrò & *tertiam Regulam*, fermè tam longam, quàm ſunt duæ priores; à cujus fronte minutum fiat foramen, per quod tranſeant apices: veluti in Regulâ, litterâ I notatâ factum vides. Has ternas Regulas æqualiter dividito, videlicet in partes vel puncta 1000 ſingulas, pro magnitudine Inſtrumenti. Nam ſive plures ſint partes, ſive pauciores, nihil intereſt.

His peractis, & certis litteris notatis ſemicirculo, Regulis atque Dioptris, ut in Figurâ ob oculos proponitur, *Baculum* parato, quatuor, ut dictum, pedes lōgum, infernè cum ferro acuminato, dimidium circiter pedem longo, ſupernè ferratum, & foramen habentem, ut ei inferi poſſit Inſtrumenti paxillus ſive cuneus, ibique cum cochleâ ſiſti.

Perpendiculum præterea parato è plumbo & filo vel funiculo: ad cujus extremitatem alteram eſto circulus minutus. Nam quando Regula perpendiculariter erigenda eſt,
tunc